

107 年全國語文競賽原住民族語朗讀【賽夏語】 國中學生組 編號 4 號

rima' ray rahoeran manmanra:an

hae:wan ila, 'akoey ka pinahiyoe' ray rahoeran mikas mikas mikas kita'en. haeba:an 'ima rowaSek rini ka mae'iyah Siyae' ray 'inakhiza'an kak'i'iyah. kapa:ngas Somngaw a tomal, hayza' kamama:tol, kamahomlal, hatohato ila mam Somowaw ka nom papSiSiyay, nakhiza ma' tomin'alay ila ray rahoeran hae:wan kapakakSiyae'an.

ray 'amiSan hae:wan, homaba:i' wiwiwi: mowa:i' ray kinmae'iyahan. noka kinaskes naka homiwa' ka bori:, mae'iyah noka kinaskes mantete:, minkakamoeh 'alrarakiS ka kayba:en. tani 'oya' ki yaba' rima' ray 'ima haeba:an mae'iyah, 'ana 'aewhay kapanra:anen ma' tal'es'es, tikot Sipalbe: 'okay talsakel. 'am rima' ray kapakakSiyae'an rape: 'am Somater ka hini tinal'oemaeh; 'am kaSkoraeh ka 'ima SaSo' tinal'oemaeh. ma'an SawaSayen hahi:il ka mae'iyah, kakom'ir'irit, 'ana 'am **homnak** ma' nakhara 'oka' ka ba:i'. yako naka ralom rima' ray wasal, noka lalowa' konkontotolon rima' ila ray kati'aelae'.

kaSepe:an hahila: naka mam 'ae'ae:aew makSa' ma' potngor ila. 'am Semepe: noka hahila: pinanra:anan, 'am SomaSo' ka tinal'oemaeh. kamatintin'alay tomin'alay Semepe: ila Sa', " to:o', roSa', 'aeae'! " bazae'en ka pinabsoeh " pong! " Sa', 'isa:a' 'ana hayno' ma' pong pong pong ila. kita'en hayza' ka 'inokik hingha' ka hinoba:ang pinabsoeh manae' ka kawaS. ray kawaS kita'en naka minminpongaeh ila 'akoey 'inokik

hingha' rineme:, 'ima 'a'awpong o naka ra:ma' kita'en, ma' naka hapoy paktilka:an ka rape: ray hae:wan. kapabsoeh ray kawaS mobsoeh kita'en naka likiko:, honaehnge: ila 'isa:a' hawka' 'okay kita'en ila. yako 'okay **mikmik ka masa'** 'am komita', tikot ma'an Sipapahowih ka 'am komita'. 'ima haeba:an Siyae' a tomal o 'okik ra:ami hae:wan ila, 'am lobih ila. ray kawaS naka homawan ila naehan 'aliman ila. ma'az'azem kaysa'an ray hae:wan ka kinita', 'ana hiya' ma' 'am 'okay ngowipi.

hiya' komoSa' ray rahoeran 'oka' ka 'ima **kayzaeh kakita'en**, 'ima 'ibabaw ka tinaew'an nanaw? ma'an kinita' 'ana hayno' ma' hayza' kakita'en. hayza' 'aeae' Say kabih no wasal Sin " lotanen " komoSa', " 'ima kayzaeh kita'en 'ana hayno' ma' hayza'! mita' masa' 'okik koSa' 'okay kita', nonak 'okay Sahoero: nanaw. " ray hae:wan ki 'ima haeba:an ma'onhael komita' ka pinabsoeh kayzaeh kita'en a tomal. sabsaboeh lali 'ay hima' ki kapa'onhaelan, yako naka ra:am ila nasiya ray hina'azem 'am minhaha:o' ka kano'? ray 'ima SaSo' ka tinal'oemaeh 'am **pa'ho'alo'** ka kano'? yami naka 'es'es ila ka hina'azem, yako ma' rikrika: ila ka ka:ra', porawSi' ila. 'aeae' mae'iyah komoSa', " naw ma'an kinita' hae:wan kakita'en 'okik 'ilaS, ma' pinahiyo' ila nanaw. " 'oka' o ya:o pakoSa' haeba:an ka mae'iyah ma'onhael komita' ka paponSipa:ow hingha' pakita' hini ray rahoeran ka 'ima **kayzaeh kakita'en**.

107 年全國語文競賽原住民族語朗讀【賽夏語】 國中學生組 編號 4 號

都市生活體驗

入夜，霓虹點綴了都市，沉浸在燈紅酒綠、五光十色中。音樂聲伴隨熱舞，在都市裡，揭開了序幕。

夜裡冷風刺骨，我跟父母去跨年晚會的場地，怕走失在人群中，視線範圍都是人，讓我喘不過氣。

來到倒數時刻，三、二、一，煙火衝上天際。煙花在夜空開放，像火燭在閃爍，最後像流星，從空中滑過，消失在眼中。我看得目不轉睛，晚會結束了，又恢復了夜晚的寧靜，但我想任誰也不會忘了今晚。

誰說都市裡沒有美景？對我而言，美景處處皆是，羅丹說：「美，到處都有，不是缺少美，而是我們的眼睛缺少發現。」萬人齊聚欣賞煙火，是難得一見的景象。人們彼此牽手，那一刻，我感受到新年的祝福，大家的心緊緊相依，暖流在我心中流竄，那種感動，如余秋雨那句：「依我看，夜晚的景色除了月亮，就是萬家燈火。」更讓我歡喜的是萬人欣賞煙火，一同觸動都市的美。